

Concello de Outes



CERTIFICADO

Expediente núm.:
952/2019

Órgano Colexiado:
O Pleno

**MÍRIAM NAVEIRA DONO, EN CALIDADE DE SECRETARIA DESTE ÓRGANO,
CERTIFICO:**

Que, na sesión desenvolvida o 28 de novembro de 2019 se adoptou o seguinte acordo:

Expediente 952/2019. Aprobación ou Modificación de Ordenanza Fiscal

Reguladora

Expediente núm.: 952/2019

Procedemento: Aprobación ou Modificación de Ordenanza Reguladora

ANTECEDENTES

«Á vista dos seguintes antecedentes:

Documento	Data/Núm.	Observacións
Plan Normativo	26/09/2019	APROBADO
Consultas previas	Desde o 11/10/2019	10 días naturais
Providencia de Alcaldía	14/11/2019	
Informe de Secretaría	Núms.- 79 e 80, do 14/11/2019	- Procedemento. - Vicios procedimentais non determinantes de nulidade
Memoria económico-financiera	20/11/2019	
Informe de Intervención	20/11/2019	Favorable con observacións
Informe proposta de Secretaría	20/11/2019	Favorable

Examinada a totalidade do expediente tramitado para a aprobación da Ordenanza reguladora do prezo público pola prestación do servizo "Outes Concilia", en aplicación das previsións contidas no artigo 21. 1. c) da Lei 7/1985, de 2 de abril, Reguladora das Bases de Réxime Local, e no artigo 47 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo, o Pleno da Corporación, con cinco votos (5) a favor e oito (8) abstencións, procede á

Concello de Outes



Concello de Outes

adopción do seguinte

ACORDO

PRIMEIRO. Aprobar a Ordenanza reguladora do prezo público pola prestación do servizo “Outes Concilia”, nos termos que figuran no expediente, coa fixación das correspondentes tarifas para a prestación do servizo, e que a continuación se transcriben:

“ORDENANZA REGULADORA DO PREZO PÚBLICO POLA UTILIZACIÓN DOS SERVIZOS DE CONCILIACIÓN DA VIDA LABORAL E FAMILIAR “OUTES CONCILIA”

EXPOSICIÓN DE MOTIVOS

O Concello de Outes quere contribuír ao fomento da conciliación da vida familiar e laboral coa ampliación de servizos que axuden a veciñanza no exercicio das súas actividades e no cumprimento das súas tarefas e obrigacións.

En conformidade co artigo 127, en relación co disposto no Capítulo VI do Título I do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, o Concello de Outes procede a regular mediante a presente ordenanza o establecemento dos prezos públicos, que constitúen a contraprestación económica pola utilización dos servizos de conciliación, cuxas normas reguladoras foron aprobadas a tales efectos.

Artigo 1º. Obxecto.

Esta ordenanza ten por obxecto establecer os prezos públicos pola prestación dos servizos de conciliación da vida familiar e laboral, comprendidos no Programa “Outes Concilia”, do Concello de Outes.

Artigo 2º.- Feito impositivo.

O feito impositivo está constituído polo uso dos seguintes servizos:

1. *Servizos en períodos lectivos:*

- *Madrugadores:*

A disposición das familias durante todo o período lectivo do ensino infantil e de primaria, en horario de 8:00 horas ata o inicio das clases. Consiste na ampliación do horario de apertura do centro escolar, prestando atención e coidado ao alumnado con

Concello de Outes

Rua da Vila 1, Outes. 15230 (A Coruña). Tfno. 981850003. Fax:



Concello de Outes

opción de almorzar no servizo.

- *Tardes divertidas:*

Consiste na ampliación do horario de saída do centro escolar en dúas horas durante o período lectivo. No caso de ser xornada partida abarcará os meses de outubro a maio. Servizo de atención lúdico educativo con opción de merendar no mesmo.

2. Servizos en períodos non lectivos:

- *Tempo de nadal, Tempo de entroido e Tempo de Pascua:*

Realizaranse durante as vacacións do nadal, entroido e semana santa, en horario de 8:00 a 16:00 horas. Obradoiros de atención lúdica coa opción de almorzar e xantar.

- *Campamentos de Verán:*

Levaranse a cabo durante as vacacións de verán desde o remate do curso escolar ata o inicio do seguinte en horario de 8:00 a 16:00 horas. Consiste en actividades de ocio e tempo libre coa opción de almorzar e xantar. Estes campamentos desenvolveranse por quendas:

1ª Quenda: Desde o remate do curso escolar ata o 30 de xuño

2ª Quenda: Desde o 1 ao 15 de xullo

3ª Quenda: Desde o 16 ao 31 xullo

4ª Quenda: Desde o 1 ao 15 de agosto

5ª Quenda: Desde o 16 de agosto ao 31 de agosto

6ª Quenda: Desde o 1 de setembro ata o comezo do curso escolar

- *Os días do calendario laboral marcados como festivos locais, autonómicos i estatais, non se prestarán os servizos.*

Artigo 3º.- Obrigados ao pagamento.



Concello de Outes

Están obrigados ao pagamento dos prezos públicos quen se beneficie dos servizos municipais de conciliación. Entendéndose como tales as/os nais/ pais ou, no seu caso a titora/titor ou representante legal das/os menores que fagan uso dos servizos sinalados no artigo anterior.

Artigo 4º.- Importe dos prezos públicos.

As tarifas do prezo público para cada servizo son as seguintes:

SERVIZOS "OUTES CONCILIA"	IMPORTES	
Servizos prestados en períodos lectivos	Madrugadores	20 € mes
	Tardes Divertidas	20 € mes
Servizos prestados en períodos non lectivos	Tempo de Nadal	30 € prezo total
	Tempo de Entroido	10 €
	Tempo de Pascua	15 €
	Campamentos de verán 1ª e 6ª quenda	30 €
	Campamentos de verán 2ª a 5ª quenda	40 €

Artigo 5º.- Exencións e bonificacións.

Segundo as circunstancias da unidade familiar aplicaranse os seguintes descontos:

1.- Exención:

A emisión dun Informe Social do departamento de servizos sociais que indique a necesidade do servizo sen que haxa posibilidades económicas para abonar o custo do mesmo conlevará a exención da cota.



Concello de Outes

2.- Bonificacións:

Cando asistan ao mesmo servizo varios irmáns de xeito simultáneo, o segundo irmán e sucesivos terán un desconto dun 50%.

As persoas usuarias dos servizos Madrugadores e Tardes divertidas, que no mesmo mes fagan uso dos dous, terán unha bonificación do 50% no importe do segundo servizo.

As mencionadas bonificacións non se aplicarán cando fagan uso dos servizos en días soltos.

Artigo 6º.- Obrigación de pago.

A obrigación de pago dos prezos regulados nesta Ordenanza nace desde que se inicie a prestación dos distintos servizos, se ben este concello poderá esixir o pago previo ao momento da inscrición segundo establezan as distintas convocatorias.

Artigo 7º.- Réxime de Xestión e ingreso dos prezos públicos.

O pago dos importes dos servizos de Madrugadores e Tardes divertidas con cota mensual realizarase os dez primeiros días de cada mes mediante domiciliación bancaria ou ingreso na conta bancaria do Concello de Outes designada a estos efectos. A falta de pagamento de dúas mensualidades consecutivas ou tres alternas, dará lugar a perda do dereito a utilización do servizo. O abono das cantidades correspondentes a días soltos farase mensualmente a mes vencido, mediante o sistema de recibo con domiciliación bancaria, previo informe do servizo de coordinación do programa.

Nos servizos prestados en períodos non lectivos o prezo total ingresarase no momento da inscrición, na conta bancaria do Concello de Outes designada a estos efectos. A falta de pago suporá a suspensión na tramitación da admisión, mentres non se produza o pago efectivo non se xerará a percepción do servizo.+

Artigo 8º.- Novas incorporacións, ausencias e baixas.

Cando a solicitude de incorporación aos servizos de Madrugadores e Tardes Divertidas



Concello de Outes

se formule unha vez iniciados ditos servizos e sexa antes do día 16 de cada mes a cota mensual será ingresada polo seu importe total. Si a solicitude de incorporación é a partir do día 16 o importe será do 50%.

Cando se produzan faltas de asistencia ou ausencias, as mesmas non xerarán descontos ou deducións da cota mensual.

O alumnado que causase baixa definitiva ou temporal, non terá dereito a ningunha devolución das cantidades aportadas ata ese momento.

Disposición final

Esta ordenanza entrará en vigor o 14 de abril do presente ano 2019, salvo que en dita data non se teñan completado os trámites legais previstos nos artigos 49 e 70 da Lei 7/1985, de 2 de abril, Reguladora das Bases de Réxime Local. Neste caso, a vixencia queda demorada ó momento no que se de cumprimento ás previsións dos anteditos artigos.

SEGUNDO. Declarar a concorrencia de razóns sociais, benéficas, culturais e de interese público que xustifican o establecemento de prezos públicos inferiores ó custe do servizo, xa que o Punto de Atención á Infancia e un servizo clave para a conciliación da vida familiar e laboral dos habitantes do Concello.

TERCEIRO. Publicar o presente Acordo no taboleiro de anuncios do Concello e en o *Boletín Oficial da Provincia* a efectos do seu xeral coñecemento. Así mesmo, estará a disposición dos interesados na sede electrónica deste Concello <https://www.outes.gal/gl/anuncios>.

E para que conste, para os efectos oportunos no expediente da súa razón, de orde e co V.º B.º do Sr. Alcalde, coa excepción prevista no artigo 206 do Regulamento de Organización, Funcionamento e Réxime Xurídico das Entidades Locais aprobado por Real Decreto 2568/1986, do 28 de novembro, expídese a presente.





Concello de Outes

DOCUMENTO ASINADO ELECTRONICAMENTE

Concello de Outes

Rua da Vila 1, Outes. 15230 (A Coruña). Tfno. 981850003. Fax:



Cod. Validación: 3TLJSSCQAAAZXSFRRQ6DDQC5 | Corrección: <http://outes.sedelectronica.gal/>
Documento asinado electronicamente desde a plataforma xestiona esPublico | Páxina 7 a 7